

I - U V O D

Općinsko vijeće je, u skladu sa članom 32. Statuta Općine Hadžići – prečišćeni tekst („Službene novine Kantona Sarajevo“, broj: 29/05) i člana 65. Poslovnika Općinskog vijeća Hadžići – prečišćeni tekst („Službene novine Kantona Sarajevo“, broj: 29/05), na 3. sjednici održanoj dana 29. decembra 2008. godine u s v o j i l o Program rada Općinskog vijeća za 2009. godinu (u daljem tekstu Program rada).

Program rada je obuhvatao razmatranje akata koji proizilaze iz djelokruga rada Općinskog vijeća Hadžići, odnosno iz nadležnosti utvrđenih Ustavom Federacije BiH, Ustavom Kantona Sarajevo, Zakonom o lokalnoj samoupravi i posebno Statutom Općine Hadžići i Poslovníkom Općinskog vijeća Hadžići, kao i drugim propisima, uključujući i prenesene nadležnosti Kantona Sarajevo, a o kojima je odlučivalo Vijeće u okviru svojih prava, dužnosti i odgovornosti.

Kako je Vijeće u članu 53. Poslovnika Općinskog vijeća utvrdilo obavezu podnošenja javnosti godišnjeg izvještaja o svome radu, to je kroz Izvještaj za 2009. godinu dat prikaz realizacije Programa rada Vijeća u tematskom i normativnom dijelu. Pored navedenog u Izvještaju je dat kratak osvrt na rad komisija Vijeća, kako stalnih tako i povremenih radnih tijela, a koja su u 2009. godini održale svoje sjednice, kao i Prijedlog mjera u cilju kvalitetnijeg i efikasnijeg rada Vijeća.

Za sve materijale obrađivači su bile nadležne općinske službe, a predlagač Općinski načelnik, osim materijala kada je posebnim propisom utvrđen ovlašteni predlagač.

Općinsko vijeće realiziralo je svoj Program rada kroz 10 redovnih sjednica, dvije tematske i dvije svečane sjednice koje su održane povodom obilježavanja Dana Općine Hadžići, i Dana Državnosti BiH, te jedne komemorativne.

Na redovnim i tematskim sjednicama Vijeće je razmotrilo dostavljene materijale na način i u obimu kako je to navedeno u daljnjem tekstu ovog Izvještaja.

II - TEMATSKI DIO

U tematskom dijelu Vijeće je razmatralo Budžet Općine Hadžići za 2009. godinu, informacije, izvještaje, te programe i planove i Kalendar obilježavanja događaja i ličnosti.

Informacije

U izvještajnom periodu Vijeće je razmatralo ukupno 26 (dvadesetšest) informacija, i to:

- Informacija o stanju zdravstvene zaštite na području Općine Hadžići
- Informacija o radu Policijske uprave Ilidža – Stanica policije Hadžići za 2008. godinu.
- Informacija o provedenim izborima u mjesnim zajednicama i verifikacija mandata članova Savjeta mjesnih zajednica
- Informacija o informisanju u Općini Hadžići
- Informacija o radu Kantonalne veterinarske stanice Sarajevo za Općinu Hadžići
- Informacija o radu KJKP „GRAS“ Sarajevo na području Općine Hadžići za 2008. godinu

- Informacija o postupku i rezultatima redovne i godišnje provjere funkcionisanja i unapređenja integrisanog sistema upravljanja kvalitetom po međunarodnim standardima ISO 9001:2000
- Informacija o korištenju i naplati javnih površina
- Informacija o izvršenju Budžeta Općine Hadžići za period 01.01. – 31.03.2009. godine
- Informacija o stanju kulture u Općini Hadžići
- Informacija o radu udruženja registrovanih na području Općine Hadžići
- Informacija o aktivnostima KJKP „RAD“ za 2008. godinu i Plan aktivnosti za 2009. godinu
- Informacija o ostvarivanju socijalne zaštite na području Općine
- Informacija o ostvarivanju dječije zaštite i zaštite civilnih žrtava rata
- Informacija o stanju u oblasti bespravne gradnje na području Općine Hadžići
- Informacija o unutrašnjoj organizaciji i stanju kadrova Jedinog općinskog organa uprave
- Informacija o samostalnom privređivanju i privredi Općine Hadžići
- Informacija o stanju poljoprivrede u Općini Hadžići
- Informacija o stanju sporta na području Općine Hadžići
- Informacija o aktivnostima na provođenju LEAP-a
- Informacija o uspjehu i vladanju učenika osnovnih i srednje škole na području Općine Hadžići, na kraju školske 2008/2009. g. i upis na početku školske 2009/2010. godine.
- Informacija o izvršenju Budžeta Općine Hadžići za period 01.01. – 30.09.2009. godine
- Informacija u oblasti komunalne inspekcije na području Općine Hadžići
- Informacija o izgradnji i modernizaciji lokalnih puteva
- Informacija o stanju u oblasti boračko – invalidske zaštite, položaja članova šehidskih porodica i porodica poginulih boraca, RVI i demobilisanih boraca
- Informacija o radu mjesnih zajednica

U okviru planiranih informacija koje su dostavljene Vijeću, njihovo razmatranje rezultiralo je usvajanjem mjera u cilju poboljšavanja stanja u oblasti koju su tretirale.

Obzirom na značaj problematike koju je obrađivala Informacija o stanju zdravstvene zaštite na području Općine Hadžići, Vijeće je donijelo zaključak koji je u značajnoj mjeri i realizovan, tako da su evidentni pomaci u pružanju zdravstvene zaštite na području Općine.

I z v j e š t a j i

U tematskom dijelu koji se odnosio na izvještaje, od planiranih 7 (sedam), Vijeću su dostavljena na razmatranje svih 7 (sedam) izvještaja, dok je jedan izvještaj razmatran i usvojen mimo Programa rada.

Vijeće je tokom 2009. godine razmotrilo i usvojilo sljedeće izvještaje:

- Izvještaj o radu Jedinog općinskog organa uprave Općine Hadžići za 2008. godinu
- Izvještaj o radu Fonda za stipendiranje učenika i studenata „Mehmedalija Hujić“ Hadžići
- Izvještaj o izvršenju budžeta Općine Hadžići za period od 01.01. – 31.12.2008. godine
- Izvještaj o radu KSIRC-a Hadžići za 2008. godinu

- Izvještaj o radu JKP „Komunalac“ Hadžići za 2008. godinu i Plan aktivnosti za 2009. godinu
- Izvještaj o radu Pravobranilaštva Kantona Sarajevo u 2008. godini za Općinu Hadžići
- Izvještaj o izvršenju Budžeta Općine Hadžići za period 01.01. – 30.06.2009.
- Izvještaj o radu Komisije za sprovođenje Konkursa za dodjelu lokacija u svrhu individualne stambene izgradnje

Programi i Planovi

U Programu rada Vijeća za 2009. godinu planirano je 3 (tri) Programa.

Od planirana 3 Programa Vijeće je usvojilo 2 (dva), i to:

- Program rada Jedinog općinskog organa uprave Općine Hadžići za 2009. godinu;
- Program rada Općinskog vijeća Hadžići za 2010. godinu.

Vijeće nije donijelo Program rada predsjedavajućeg Općinskog vijeća Hadžići u mandatskom periodu, jer je ocijenilo da ne treba, obzirom da ima poseban program rada Vijeća. Isto tako, Općinsko vijeće donijelo je Projektni program za izradu urbanističkog projekta „SARA KOMPANI“-benzinska pumpa u Binježu.

U toku 2009. godine Općinsko vijeće razmatralo je sljedeće planove:

- Plan aktivnosti KJKP „Rad“ za 2009. godinu na području općine Hadžići.
- Plan aktivnosti JKP „Komunalac“ Hadžići za 2009. godinu.

III - NORMATIVNI DIO

Odluke

U normativnom dijelu, koji se odnosio na planirane odluke, od 5 (pet) planiranih prema programu rada Općinskog vijeća, Vijeću je dostavljeno na razmatranje 10 (deset) odluka. Vijeće je usvojilo sljedeće odluke:

- Odluka o pristupanju izradi novog Statuta Općine Hadžići;
- Odluka o pristupanju izradi novog Poslovnika Općinskog vijeća Hadžići;
- Odluka o dodjeli općinskih priznanja;
- Odluka o izvršavanju Budžeta Općine Hadžići u 2009. godini;
- Odluka o izmjenama i dopunama Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na teritoriji Općine Hadžići;
- Odluka o finansiranju parlamentarnih grupa - Općinskog vijeća Hadžići iz Budžeta Općine Hadžići za 2009. godinu;
- Odluka o prihvatanju inicijative „LOKALNO JE PRIMARNO“ i pristupanju izradi Strategije razvoja Općine Hadžići za period 2010. – 2014. godina;
- Odluka o osnivanju Stručne službe za poslove Općinskog vijeća Hadžići;
- Odluka o izboru članova komisija Općinskog vijeća Hadžići;
- Odluka o privremenom finansiranju Općine Hadžići za period 01.01. – 31.03. 2010. godine – Prijedlog;

Valja istaći da je Vijeće sredinom 2009. godine usvojilo **Statut Općine Hadžići i Poslovnik o radu Općinskog vijeća Hadžići**.

Razlozi za donošenje novog Statuta općine proizašli su iz obaveze da općine u FBiH usklade svoje statute sa odredbama Zakona o principima lokalne samouprave u FBiH. Najznačajnije promjene odnosile su se na obavezu usaglašavanja sa Zakonom o principima lokalne samouprave, obzirom da su istim na sveobuhvatan način regulisana važna pitanja za jedinice lokalne samouprave kao što su način i izvori finansiranja općine, prijenos nadležnosti sa viših nivoa vlasti, odnos načelnika i općinskog vijeća, procedura usvajanja budžeta općine, status i organizacija mjesne samouprave, učešće građana u odlučivanju i dr.

Pored ostalog, Vijeće je krajem februara 2009. godine usvojilo i **Kodeks ponašanja izabраних званиčника – vijećnika**. Etičkim kodeksom utvrđeni su principi i pravila ponašanja izabраних званиčника u obavljanju njihovih dužnosti, obaveze, oblast nadzora, odnos prema općinskoj upravi, medijima i javnosti, te praćenje Kodeksa.

Isto tako, Općinsko vijeće je, na 9.sjednici održanoj 02.07.2009. godine imenovalo Komisiju za nadziranje primjene kodeksa ponašanja izabраних званиčника - vijećnika koja je pripremila, a Vijeće usvojilo Poslovnik o radu Komisije za nadziranje primjene kodeksa ponašanja izabраних званиčника - vijećnika, na 10. sjednici, održanoj 20. avgusta 2009. godine.

Na kraju ovog dijela izlaganja može se zaključiti da je Vijeće u 2009. godini po raznim pravnim osnovama donijelo ukupno 14 normativnih akata, uključujući i one koje su bile planirane, kao i one koje je predlagač dostavio mimo Programa rada za 2009. godinu.

R j e š e n j a

Pored navedenih Odluka i drugih normativnih akata, Vijeće je u 2009.godini donijelo, kao nadležni organ, veliki broj odluka i rješenja o utvrđivanju općeg interesa za izgradnju infrastrukturnih objekata, o utvrđivanju prava vlasništva na gradskom građevinskom zemljištu, o dodjeli neizgrađenog gradskog građevinskog zemljišta u državnom vlasništvu, o preuzimanju zemljišta radi privođenja trajnoj namjeni te imenovanju komisija kao stalnih i povremenih radnih tijela Vijeća i dr. Po navedenim osnovama Vijeće je donijelo 28 rješenja, 9 odluka i 5 zaključaka.

IV - IZBOR I IMENOVANJA

Općinsko vijeće je u skladu sa svojim pravima i dužnostima utvrđenim u članu 86. Poslovnika, donijelo rješenja o izboru, imenovanju i razrješenju članova stalnih i povremenih radnih tijela Vijeća. Takođe, Vijeće je u okviru svojih nadležnosti, imenovalo članove Komisije za nadzor primjene Kodeksa ponašanja izabраних званиčника – vijećnika.

V - TEMATSKE SJEDNICE

U skladu sa članom 55. Poslovnika Općinskog vijeća, Vijeće je 21.05.2009. godine održalo Tematsku sjednicu na kojoj su vijećnici bili upoznati sa primjenom i ostvarivanjem Zakona o principima lokalne samouprave, a što je bilo izuzetno važno jer se uporedo radilo na donošenju novog Statuta Općine Hadžići i Poslovnika o radu Općinskog vijeća.

Ovdje ćemo napomenuti da je 11.06.2009. godine održana Tematska sjednica na temu „Uloga i mogućnosti lokalnih zajednica u procesu približavanja Evropskim integracijama – priprema za EU fondove“, koja je rađena u saradnji sa Sarajevskom regionalnom razvojnom agencijom“SERDA“.

VI - SVEČANE SJEDNICE

Programom rada Općinskog vijeća 2009. godine utvrđeno je i održavanje svečanih sjednica povodom Dana Općine i Dana Državnosti, koje su realizovane, a vijećnici su prisustvovali svečanim sjednicama koje su organizovane na nivou Kantona i grada Sarajeva organizovane povodom Dana oslobođenja i dr.

VII - KOMEMORATIVNA SJEDNICA

Petog februara 2009. godine održana je u Sarajevu zajednička komemorativna sjednica Skupštine Kantona, Gradskog vijeća Sarajeva i Općinskih vijeća, povodom Dana sjećanja na sve poginule građane Sarajeva.

VIII - STALNA RADNA TIJELA OPĆINSKOG VIJEĆA

Shodno članu 28. Poslovnika Općinskog vijeća, Vijeće je obrazovalo svoja stalna radna tijela (Općinske Komisije) radi olakšanja i unapređenja efikasnosti rada Vijeća.

Komisije su, svaka u okviru svoga djelokruga rada, razmatrale pitanja koja su od interesa za Vijeće, te sve nacрте i prijedloge odluka i drugih akata iz nadležnosti Vijeća.

U pripremi sjednica, Komisije su dale značajan doprinos svojim mišljenjima, prijedlozima i zaključcima da sjednice budu kvalitetnije i efikasnije. U ovom poglavlju dat ćemo osvrt na rad Komisija koje su u 2009. godini održale sjednice.

a) Komisija za statut i propise

Komisija je u 2009.godini održala 7 sjednica. Obzirom da je jedan od zadataka ove Komisije razmatranje prednacрта, nacрта i prijedloga odluka i drugih akata u pogledu njihove usklađenosti sa Ustavom, Zakonom, Statutom općine i drugim propisima, kao i njihova pravna obrada, Komisija je po najvećem broju materijala dala pozitivno mišljenje, uz navođenje eventualnih primjedbi, koje su kroz stavove Komisije dostavljane Općinskom vijeću. Najveći doprinos u protekloj godini, ova komisija je dala u postupku donošenja Statuta i Poslovnika.

b) Komisija za budžet, finansije i ekonomska pitanja

Komisija je u izvještajnom periodu održala je 3 sjednice. Na sjednicama su razmatrani materijali koji su se odnosili na Budžet Općine Hadžići, a koje je razmatralo Vijeće.

c) Komisija za izbor i imenovanje

U djelokrugu rada Komisije za izbor i imenovanje je predlaganje i imenovanje, odnosno razrješenje funkcionera koje bira ili imenuje Vijeće kada je to utvrđeno Zakonom, Statutom općine ili općim aktima JP i JU, zatim organa upravljanja te članova stalnih i povremenih radnih tijela Vijeća.

U okviru navedenog djelokruga poslova, ova Komisija je u 2009.godini održala 3 sjednice sa kojih je prema Vijeću uputila prijedloge za razrješenje ili imenovanje.

d) Komisija za praćenje položaja boraca, RVI i porodica šehida i poginulih boraca

Komisija je u skladu sa svojim djelokrugom rada pratila stanje u ovoj oblasti na području Općine Hadžići. Uglavnom je razmatrala informacije. Komisija je održala 2 sjednice.

e) Komisija za obilježavanje značajnih događaja i ličnosti

Komisija je u izvještajnom periodu održala 3 sjednice, na kojima su utvrdili Prijedlog Kalendar za obilježavanje značajnih događaja i ličnosti u Općini Hadžići, kojeg je donijelo Vijeće.

f) Komisija za poslove mjesnih zajednica

U izvještajnom periodu ova Komisija je održala 2 sjednice na kojima je razmatrana aktualna problematika vezana za rad u mjesnim zajednicama.

Ova komisija je predložila Vijeću zaključke, koje je vijeće prihvatilo, a kojima se, u cilju poboljšanja i unapređenja rada svih mjesnih zajednica, nalaže predstavnicima Općinskog organa uprave, članovima ove Komisije, predstavnicima savjeta MZ-a i sekretarima MZ-a, provođenje aktivnosti na realizaciji programskih zadataka MZ-a, a koje se odnose na:

-usaglašavanje pravila MZ-a sa zakonom i aktima Općine o postupku osnivanja MZ-a i promjene područja MZ-a, podsticajem međusobne saradnje, povezivanje i udruživanje sredstava MZ-a za rješavanje pitanja od zajedničkog interesa, donošenje planova i programa, kao i svim drugim pitanjima iz ove oblasti.

g) Administrativna komisija

Komisija je održala jednu sjednicu. Na kojoj je utvrdila Prijedlog odluke o stavljanju van snage odluke o refundaciji sredstava vijećnicima po osnovu dobrovoljnog penzionog i zdravstvenog osiguranja kojeg Vijeće nije prihvatilo.

h) Komisija za odlikovanja i Općinska priznanja

U 2009. godini Komisija je održala jednu sjednicu na kojoj je u skladu sa svojim djelokrugom rada utvrdila prijedloge vezano za dodjelu Općinskih priznanja i ponudila Vijeću Prijedlog Odluke o dodjeli priznanja „Šestomartovska plaketa“ za 2009. godinu.

i) Komisija za sport i mlade

U 2009. godini Komisija za sport i mlade održala je 3 sjednice na kojima je razmatrala i dala mišljenje o problematici iz svoje nadležnosti, a koju je Vijeće razmatralo. Ova Komisija je utvrdila i Nacrt Pravila za izbor sportiste, sportske ekipe i trenera Općine Hadžići i isti uputila na javnu raspravu svim udruženjima iz oblasti sporta. Takođe, Komisija radi na prikupljanju informacija i podataka za izradu godišnjeg sportskog biltena Općine, koji će se štampati u prvom kvartalu ove godine, a sadržat će ostvarene rezultate naših sportista, a u skladu sa zaključkom Vijeća.

j) Komisija za nadziranje primjene kodeksa ponašanja izabраних zvaničnika – vijećnika

Komisija je održala dvije sjednice na kojima je razmatrala pitanja vezana za Kodeks i Poslovnik o radu komisije.

k) Savjet za unapređenje zdravstvene zaštite i kvaliteta usluga, kao i promociju porodične medicine

Savjet je održao dvije sjednice i dao veliki doprinos u realizaciji zaključaka Općinskog Vijeća iz oblasti zdravstva i porodične medicine.

l) Drugostepeni organ za žalbe

U skladu sa odlukom o obrazovanju Drugostepenog organa za žalbe, Općinsko vijeće je imenovalo članove, ali se u 2009. godini ovaj organ nije sastajao, jer nije bilo uloženi žalbi na rješenja i odluke iz njihove nadležnosti.

m) Komisija za odabir korisnika programa pomoći u obnovi stambenih jedinica u svrhu povratka, koja je održala 4 sjednice

n) Komisija za dodjelu građevinskog zemljišta, koja je održala 2 sjednice.

IX - ZAKLJUČNA RAZMATRANJA

Nakon izvršene analize realizacije Programa rada Vijeća za 2009. godinu, može se zaključiti da je Program izvršen u odnosu na planirano skoro u potpunosti.

Od ukupno planiranih 60 tema, Vijeću je do kraja 2009. godine dostavljeno na razmatranje i usvajanje 56 materijala u prijedlogu ili nacrtu, a samo nisu realizirane sljedeće teme:

-Odluka o izmjenama i dopunama odluke o građevinskom zemljištu, Ova odluka se odlaže od strane predlagača na neodređeno vrijeme dok se ne završe aktivnosti oko donošenja prostornog plana posebnih namjena, koji je definisan odlukom o proglašenja područja od posebnih značaja Igman, Bjelašnica, Treskavica i Kanjon Rakitnica.

-Informacija o aktivnostima KJKP "Rad" za 2008. godinu i Plan aktivnosti za 2009. godinu.

-Informacija o aktivnostima Elektro distribucije za 2008. godinu i Plan aktivnosti za 2009. godinu.

-Informacija o radu JKP "Toplane" Sarajevo za 2008. godinu i Plan aktivnosti za 2009. godinu

-Informacija o radu JKP "Sarajevogas" za 2008. godinu i Plan aktivnosti za 2009. godinu.

Takođe, u 2009. godini utvrđen je Nacrt Budžeta Općine Hadžići za 2010. godinu i obavljena Javna rasprava.

Općinski načelnik u svojstvu predlagača uputio je Vijeću na razmatranje 113 materijala mimo planiranog u Programu rada za 2009. godinu. Predmetni materijali odnosili su se na: informacije, izvještaje, programe, vijećnička pitanja, kao i druge akte razmatranja iz nadležnosti Vijeća.

U tabelarnom pregledu dat je prikaz ukupnog broja održanih sjednica Općinskog vijeća, planiranih materijala, te broja realiziranih materijala po Programu i mimo Programa Vijeća.

Ukupan broj održanih sjednica Općinskog vijeća	Ukupan broj održanih sjednica komisija Vijeća	Ukupan broj planiranih tema po Programu rada Općinskog vijeća	Realizirano po Programu rada Općinskog vijeća	Nerealizirano po Programu rada	Realizirano mimo Programa rada (neplanirani materijali)
15	35	60	55	5	113

Pripremu i rad sjednica Vijeća u kontinuitetu je pratio i rad stalnih radnih tijela.

Ovo dokazuje opravdanim donošenjem okvirnog Programa rada, jer se na taj način ostavlja mogućnost predlagaču da pravovremeno reagira na promjene zakonske regulative u cilju usaglašavanja normativnih akata, ili donošenja pojedinačnih akata kada je zakonom propisano da je Vijeće nadležni organ za njihovo donošenje.

Takođe, Programom rada ostavlja se mogućnost i Općinskom vijeću da samoinicijativno ili po prijedlogu viših nivoa vlasti, zauzme stavove po određenim pitanjima ili da mišljenje na akte viših nivoa vlasti kada se to od Vijeća traži.

Naglašavamo da su svi predloženi akti usvojeni, osim Programa rada predsjedavajućeg Općinskog vijeća za mandatni period, iz razloga što je ocijenilo da ne treba, jer ima Program rada vijeća, i odluke o stavljanju van snage odluke o refundaciji sredstava vijećnicima po osnovu dobrovoljnog penzionog i zdravstvenog osiguranja.

Ovome je doprinijela kvalitetna priprema sjednica komisija i Vijeća. Urađeni su blagovremeno zapisnici sa sjednica Vijeća, zaključci, stavovi i mišljenja komisija po svim tačkama iz saziva sjednica Vijeća, te razni dopisi po zaključcima Vijeća ili komisija. Pored navedenog, Služba je pripremila ili aktivno učestvovala u izradi nacrti i prijedloga materijala za Vijeće i radna tijela vijeća.

Takođe, ova Služba je u izvještajnom periodu zaprimila i obradila ukupno 736 predmet, što je za 6 predmeta manje nego u istom periodu 2008.godine, s napomenom da je od toga zaprimljeno i obrađeno 347 predmeta na ime Općinskog Vijeća, a 389 predmeta na ime Stručne Službe za poslove Općinskog vijeća i općinskog načelnika, a od 2.jula 2009.godine, od kada je ova Služba formirana samo za poslove Vijeća, zaprimila je i obradila 90 predmeta.

Takođe, vijećnici su kroz vijećnička pitanja, te zahtjevima da se razmatraju određena pitanja iz djelokruga rada Vijeća, ukazivali na probleme vezane za oblast komunalne infrastrukture, komunalne higijene, socijalnog zbrinjavanja lica sa posebnim potrebama, obrazovanja, zdravstvene zaštite građana, te ostalih pitanja čije rješavanje je od interesa za građane i naselja u kojima žive tj. za širu društvenu zajednicu. Iznoseći navedena pitanja, vijećnici su inzistirali da njihovo rješavanje mora biti efikasnije i kvalitetnije u cilju osiguravanja lokalnih potreba stanovništva što je osnovna obaveza općine kao jedinice lokalne samouprave. I kroz vijećnička pitanja vijećnici su, u velikoj mjeri, iskazivali osjećaj odgovornosti i ostvarivanja puno bolje komunikacije sa građanima.

Na kraju ovog dijela treba istaći da je Kolegij općinskog vijeća dao značajan doprinos u pripremama i održavanju sjednica Vijeća na kojima su se pripremali i utvrđivali planovi rada Vijeća, prijedlozi dnevnog reda Vijeća, te usaglašavali stavovi klubova političkih partija koje participiraju u Općinskom vijeću po pitanjima koja su političke prirode.

Javnost rada Vijeća

Obzirom na zakonsku obavezu Općine da je dužna osigurati, razvijati i jačati javnost rada kao preduslov efektivnog političkog nadzora i garancije da će njeni organi provoditi svoje dužnosti u interesu lokalne zajednice, javnost rada je bila osigurana kroz obavještenja o sjednicama Vijeća, planiranja i pripremanja odluka, tako i u svim fazama njihove realizacije. Ističemo da sve važnije odluke, pogotovo one koje su regulirale prostorno-plansku oblast ili

su se odnosile na utvrđivanje taksa ili drugih fiskalnih obaveza iz nadležnosti općine, Vijeće usvajalo nakon provedenih javnih rasprava. Na taj način data je mogućnost građanima, kao i ciljnim grupama da aktivno učestvuju u njihovom kreiranju.

Vijeće je nastavilo u svome radu dosljedno slijediti načelo javnosti i na način da su sjednice Vijeća i u 2009. godini prezentirane putem TV SA i MTV „IGMAN“ Pazarić i Biltena Općine Hadžići, kao i na web stranici Općine. Na taj način građanima Općine Hadžići omogućen je blagovremen, potpun i objektivan pristup informacijama koje se tiču rada Vijeća, a naročito odlukama koje je Vijeće donosilo.

Vijeće je u 2009. godini osiguralo da se sve usvojene odluke, zaključci, rješenja i druga akta, a čije je objavljivanje propisano Poslovníkom, objave u „Službenim novinama Kantona Sarajevo“.

Vijeće je, u ostvarivanju svojih Ustavom, Zakonom i Statutom utvrđenih prava, obaveza i odgovornosti, nastojalo razviti dobre odnose suradnje i međusobnog uvažavanja sa svim političkim strankama, udruženjima i nevladinim organizacijama na području općine Hadžići.

X - Prijedlog mjera u cilju kvalitetnijeg i efikasnijeg rada Vijeća

Uzimajući u obzir sve izneseno, a posebno primjedbe i sugestije vijećnika koje su se iznosile na sjednicama Vijeća, a u cilju još kvalitetnijeg i efikasnijeg rada Vijeća, potrebno je više pažnje posvetiti sljedećem:

- Nadležne općinske službe dužne su više pažnje obratiti na planirane programske aktivnosti Općinskog vijeća te u skladu sa istim proslijediti materijale Vijeću na razmatranje u propisanim rokovima ili o razlozima ne dostavljanja obavijestiti Kolegij Vijeća.
- Nadležne općinske Službe su dužne više pažnje posvetiti vijećničkim pitanjima i prilikom obrade istih dostaviti ih na vrijeme, ponuditi potpunije odgovore, te poduzeti adekvatne mjere na otklanjanju uočenih propusta, obzirom na česte primjedbe vijećnika na ne odgovaranje i kvalitet odgovora na postavljena pitanja.

Na kraju bi zaključili sa konstatacijom da i Općinsko vijeće i Općinski načelnik moraju imati jedinstven cilj, a to je poboljšanje funkcionisanja organa Općine i statusa Općine Hadžići, obzirom da su kao izabrani zvaničnici, predstavnici svih građana i svakog pojedinog građanina koji je za njih glasao, bez obzira na političko opredjeljenje, etničku ili nacionalnu pripadnost.

Cijeneći sve naprijed izneseno, a posebno primjedbe i sugestije vijećnika koje su se iznosile na sjednicama Vijeća, a u cilju još kvalitetnijeg i efikasnijeg rada Vijeća, potrebno je u budućem radu još više pažnje posvetiti sljedećem:

- Sukladno tački 5.3 Procedure QP 7-50/03 redovne tačke utvrđene Programom rada Vijeća, da Općinske službe više pažnje obrate na planirane programske aktivnosti Općinskog vijeća, te u skladu sa istim prosljede blagovremeno materijale Vijeću na razmatranje u propisanim rokovima (najkasnije do 10. datuma u mjesecu u kojem se planira razmatranje), ili o razlozima ne dostavljanja obavijestiti Kolegij Vijeća.
- Nadležne Općinske službe su dužne više pažnje posvetiti vijećničkim pitanjima i prilikom obrade istih dostaviti ih na vrijeme, ponuditi potpunije odgovore, te poduzeti adekvatne mjere

na otklanjanju uočenih propusta obzirom na česte primjedbe vijećnika na ne odgovaranje i kvalitet i potpunost odgovora na postavljena pitanja.

- Odlukom o osnivanju Stručne službe za poslove Općinskog Vijeća Hadžići (02.07.2009. godine) utvrđeni su zadaci, organizacija i rad Službe, rukovođenje Službom, načela unutrašnje organizacije i ostvarivanje prava, obaveza i odgovornosti službenika u Službi, kao i obaveza jedinstvenog Općinskog organa uprave i Općinski službi da će obavljati sve računovodstvene, administrativno-tehničke, poslove tehničkog sekretara, personalne poslove, kao i druge poslove Vijeća, Službe i radnih tijela Vijeća.

Obzirom da se radi u novoformiranoj Službi neophodno je unaprijediti saradnju u vršenju poslova iz djelokruga Službe i Općinski službi, kao i adekvatno opremanje Službe sa tehničkom i drugom opremom koju će koristiti u radu, u cilju efikasnijeg racionalnijeg vršenja poslova i zadataka. U tom cilju potrebno je i adekvatno prostorno riješiti uslove rada za potrebe Službe.

I na kraju bi zaključili sa konstatacijom da i Općinsko Vijeće i Općinski načelnik trebaju imati jedinstven cilj, a to je poboljšanje funkcionisanja organa Općine i statusa Općine Hadžići, obzirom da su kao izabrani zvaničnici predstavnici svih građana i svakog pojedinog građanina koji je za njih glasao, bez obzira na političko opredjeljenje, etničku ili nacionalnu pripadnost.

Broj:01-01.2-984/2010
Hadžići, 28.01.2010.godine

P r e d s j e d a v a j u ć i
Općinskog vijeća Hadžići

Jazid Bajrić